

արչաւանքի պատճառները և գտնել փոխադարձ համաձայնութեան ուղի: Այժմ նոյն զգացումներից դրդւած՝ Հայաստանի կառավարութիւնն անմիջապէս դիմում է Ազգային Մեծ ժողովին՝ դալ փոխադարձ համաձայնութեան և հասկացողութեան ուղիի վրա:

Համոզւած լինելով, որ այդպիսի ճանապարհը կարող է և պիտի գտնուի, Հայաստանի կառավարութիւնը խնդրում է ձեր կառավարութեանը նշանակել մեր և ձեր ներկայացուցիչների տեսակցութեան տեղն ու ժամանակը, որոնք կարող պիտի լինեն պարզել ընդհարումների պատճառները և գտնել խաղաղ համաձայնութեան ուղիները:

Սպասելով ձեր պատասխանին՝ ընդունեցէք յարգանքներիս հաւաստիքը:  
Արտաքին գործերի նախարար՝ Հ. Օհանջանեան

Առաջնորդելով միեւնոյն ոգով ու տեսակէտներով՝ Հայկական բանակի հրամանատարութիւնը նոյեմբ. 5-ին զինադադարի առաջարկ է արել: Այդ առթիւ տաճկական բանակի հրամանատար Կարաբեքիր Բեազիմ փաշան գրում է մեզ հետեւեալը.

6 նոյեմբ. 1920 թ.

Ալեքսանդրապոլի հայ բանակի հրամանատարին

Հայաստանի Հանրապետութեան կառավարութեան Անդորայի Մեծ ժողովի կառավարութեան ուղղած հեռագիրը և արիւնհեղութիւնից խուսափելու համար գործողութիւնների դադարեցնելու մասին ձեր գրութիւնը այսօր (6 նոյեմբ. 1920 թ.) ժամը 9-ին ստացայ: Կառավարութեանս ուղղւած հեռագիրը Անդորա հաղորդեցի. ի հարկէ, ստանալիք պատասխանը ձեզ կը հաղորդեմ:

Ինչպէս որ մինչև այժմ Հայ բանակին դրած հեռագիրներէցս Հասկացում է, փափագելով արիւնհեղութիւնից խուսափել՝ մինչև այդ պատասխանի ստացումը գործողութիւնները դադարեցնելու ձեր առաջարկն ընդունում եմ: Որպէսզի զօրամասերս ապահով լինեն, որ առաջարկը իրական է և անկեղծ և որպէսզի հաշտութեան պայմանների բանակցութեան ժամանակ մեր զօրքի հետքը ապահովւի, փոխադարձաբար հետեւեալ պայմանների ձեր կողմից ընդունելը և գործադրելը կառաջարկեմ.

1. Այժմ Արփաշայի արևմուտքը գտնուող Հայ զօրամասերը Ալեքսանդրապոլը մաքրելով Արփաշայից առնուազն 15 կիլոմետր դէպի արևելք պէտք է քաշուեն:

2. Ալեքսանդրապոլ քաղաքը չպիտի գրաւուի, միայն թէ բերդը և կայարանը մեր կողմից զինուորական դրաման տակ պէտք է առնուեն. Ալեքսանդրապոլում հանրային ապահովութիւնը, կարգի պահպանութեան տակ գտնուելը Ալեքսանդրապոլի բնակչութեան պէտք է յայտարարուի:

3. Նկատի ունենալով, որ Ալեքսանդրապոլը մեծ նշանակութիւն ունի որպէս Թիֆլիս Երևան երկաթուղիի միացման կէտ, Ալեքսանդրապոլի չուրջը տաս կիլոմետր տարածութեամբ շրջանը թիւրք բանակի վստահութեան՝ զօրամասերի կողմից գրաւելուն արգելք չլինել:

4. Զինադադարի տևողութեան միջոցին, թիւրքական բանակի զօրքերի վրա ոչ մի կողմից և ոչ մի պատրուակի տակ յարձակում չանել և կրակ չբանալ: